



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Nobili Viro M. Domino de Gravia.

**urn:nbn:de:hbz:466:1-20020**

ut de tam devoto & glorioso filio sedes apostolica gratuletur, & in ejus amore quiescat. Ad indicium autem quod præscriptum regnum beati Petri juris existat, pro amplioris reverentiæ argumento, progenitorum tuorum vestigiis inhærendo, statuisti duas marcas auri annis singulis nobis nostrisque successoribus persolvendas: quem utique censum ad utilitatem nostram & successorum nostrorum Bracarensi Archiepiscopo, qui pro tempore fuerit, tu & successores tui curabitis assignare. Decernimus ergo ut nonnulli omnino hominum liceat personam tuam aut heredum tuorum vel etiam præfatum regnum temerè perturbare, aut ejus possessiones auferre, vel ablatas retinere, minuere, aut aliquibus vexationibus fatigare. Si qua igitur &c. usque districtæ ultioni subjaceat. Cunctis autem eidem regno & Regi sua jura servantibus &c. usque præmia æternæ pacis inveniant. Amen. Datum Laterani per manum Iohannis sanctæ Mariæ in Cosmidin Diaconi Cardinalis S. R. E. Cancellarij xvi. Kal. Maij, Indictione xv. incarnationis dominicæ anno MCCXXI. pontificatus verò Domni Innocentij Papæ III. anno xv.

*NOBILI VIRO GVIDONI  
de Polenta.*

*Epist. 25.  
Recipitur sub  
protectione  
B. Petri.*

**C**VM à nobis petitur &c. usque perducat effectum. Eapropter &c. usque assensu, personam tuam cum omnibus bonis quæ in præsentiarum rationabiliter possides, aut in futurum justis modis præstante Domino poteris adipisci, sub beati Petri & nostra protectione suscipimus. Specialiter autem fundum Burgandent, Frafenetum, Casacutulam, & res alias in Lucensi diocesi constitutas, quas felicis memorie Gregorius Papa prædecessor noster tuis progenitoribus intuitu devotionis quam ad Romanam habebant Ecclesiam dinoscitur concessisse, prout in ipsius privilegio continetur, sicut prædicta omnia justè ac pacificè possides, nos tibi sub annuo censu duodecim solidorum Lucensium auctoritate apostolica confirmamus & præsentis scripti patrocinio communimus. Nulli ergo &c. protectionis & confirmationis &c. usque incursum. Datum Laterani 11. Idus April. anno decimoquinto.

*THEBANO ARCHIEPISCOPO.*

*Epist. 26.  
De sublevanda  
paupertate Episcopi Zaratoniensis.*

**V**ENERABILIS frater noster Zaratoniensis Episcopus in nostra proposuit præsentia constitutus quòd Ecclesiæ suæ adeo sunt tenues facultates quòd ex eis vix pos-

set honestè unus Canonicus sustentari. Ne igitur propter inopiam temporalium nomen episcopale vilescat, fraternitati tue per apostolica scripta mandamus quatinus eidem provisionem honestam studeas assignare, ut idem curæ populi sibi committi commodius intendere valeat sollicitudine pastoralis, nec propter defectum temporalium compellatur se secularibus negotiis implicare. Datum Laterani v. Idus Aprilis, anno decimo quinto.

*In eundem serè modum scriptum est super hoc Archiepiscopo Thessalonicensi & Episcopo & Archidiacono Davalensibus usque secularibus negotiis implicare. Quocirca discretionis vestræ per apostolica scripta mandamus quatinus dictum Archiepiscopum ad hoc moneatis prudenter & efficaciter inducatis. Quòd si non omnes &c. duo &c.*

*NOBILI VIRO M. DOMINO  
de Gravia.*

**M**AGISTER Hugo Archidiaconus Davalie nris gravi nobis conquestione monstravit quòd quidam Græci de Gravia in eum, Dei timore postposito, manus temerarias injecerunt, & sibi graves injurias irrogarunt. Cùm igitur idem, sicut accepimus, excommunicationis sententiam vilipendant, & iidem, qui spirituales non metuunt, temporali districtione debeant castigari, nobilitati tuæ per apostolica scripta mandamus quatinus malefactores prædictos, ut super his conquerenti satisfaciant competenter, tradita tibi potestate compellas. Datum Laterani vi. Idus Aprilis, anno decimoquinto.

*ARCHIEPISCOPO ET  
Capitulo Thebanis.*

**A**D audientiam nostram venerabili fratre nostro Zaratoniensi Episcopo significante pervenit quòd cùm Milites & Latini Zaratoniensis diocesis mansionem habeant apud Thebas, si quando præfatus Episcopus in eos propter suos excessus sententiam excommunicationis promulgat, vos ipsos non facitis evitari. Propter quòd idem Episcopus & Ecclesia sibi commissa ex eis suam non potest consequi rationem. Quia igitur non est malitias hominum indulgendum, discretionis vestræ per apostolica scripta mandamus atque præcipimus quatinus parrochianos ipsius Episcopi ab eo excommunicationis laqueo rationabiliter innodatos non præsumatis de cetero recipere ad divina, sed eos faciatis potius evitari. Datum Laterani vii. Idus Aprilis.